

Hofi Choná ta celebra 40 año cu un tremendo anochi di Bolero

ORANJESTAD – Na ocasion di celebracion di e 40 aniversario di Hofi Choná dia 11 di Augustus, lo bay tin un grandioso Anochi di Bolero.

ARTISTANAN GRANDI DI BOLERO

Pa e ocasion special aki lo t'ey entre otro: Trio di Oro di Sr. Ronny Kock. Tambe a selecciona e 20 boleristanan di tur tempo cu lo ser acompaña en bibo pa Orkesta Badu di Sr. Humphrey Hewitt. Como broche di oro tambe lo t'ey directamente for di nos hermana Isla Corsou nada menos cu Sra. Mafalda Minguel, Melania van der Veen y Arnell Salsbach.

INICIO

Na año 1971 señor Juan Jarzagaray, kende cariñosamente ta wordo yama Choná, a cumpra un tereno grandi na Paradera. Den e mesun año aki Sr. Jarzagaray a cuminsa cu e construccion riba e tereno di loke awe nos conoce como Hofi Choná. Na año 1972 a tene e prome fiesta den Hofi Choná.

Na cuminsamento Hofi Choná tabata ser uza mas bien pa fiestanan chikito di famia,

pero poco poco e luga a cuminsa bira mas popular y gusta den e pueblo. Asina mas y mas persona tabata pone fiestanan mas grandi den Hofi Choná. E prome fiesta impactante cu banda a tuma luga na año 1975. E prome banda cu a toca den Hofi Choná tabata e popular banda di e temponan ey, Cryptus Confession.

HOFI CHONA DEN UN BACHI NOBO

Awor 40 año despues Sr. Jarzagaray a bende su propiedad cu su yiu muhe Mildred y su yerno Oslin. Mildred y Oslin, kendenan ta kere hopi den e potencialnan di e Hofi, a dicide di haci un inversion grandi den esaki y renob'e completamente. Asina pues Hofi Choná a haya ful un cura halto di bloki rond, e toiletnan bieu a wordo basha abou y a traha nobo, mescos cu e cushina, bar, stage, etc. Asina Hofi Choná a pasa awor pa su di 2 generacion den un bachi nobo.

EXPECTATIVANAN

Expectativanan pa e anochi aki ta sumamente grandi y ta priminti di bira un anochi inolvidabel. Bin celebra un anochi ameno e 40 año di existencia di Hofi Choná. □